

**Nunanut allanut politikimi kalaallit
soqutigisaat ataqqineqarnerussapput**

**Naalagaaffiup akisussaaffeqarnini
sianigisariaqarpaa**

**Kalaallit Nunaata nutaaliaasup
qaammarsaassutigineratigut danskit
ataqqinninnerulersinniarneqassapput**

**Atlantikup avannaamiut
suleqatigiinnerat**

Randi Vestergaard Evaldsen - Nuka

31-nik ukioqarpunga

Sisimiut inunngorgigalugulu peroriartorfigaara.
Apparalu Bo Nuummi maanna najugaqatigaara

Takornialerineq immikkut sammisaralugu
serviceøkonomit ilinniarsiagaqarpunga (2006-2008
- Aalborg).

Nunani tamalaani niuernerq Nittarsaassinerlu pillugit
juunip 15-iani 2015-imi ilinniarnertuutut
naammassissaanga.

Nunatsinni, Danmarkimi Australiamilu sulinermik
misilittagaqarpunga.



Randi V. Evaldsen



<https://www.facebook.com/randivevaldsen?fref=ts>
e-mail: rave@inatsisartut.gl
www.demokraatit.gl



Folketingimut qinersineq 2015

**DEMOKRAATIT
DEMOKRATERNE**



Kalaallit Nunaanni najugaqarnera nuannareqaara - kikkullu tamarmik taamatut misigimanissaat kissaatigigaluarpara. Periarfissarpassuaqarpugut, allamiullu usorulaarnissaminut pissutissaqarpugut. Atuakkat atugassavut kisiisa akilerlugit Nunatsinni Danmarkimilu ilinniagaqarsinnaatitaavugut - allaammi ilinniarnermusiaqartinneqarpugut.

Folketingimi sulerusuppunga sunniuteqaqataarusukkama - folketingimut ilaasortat nunatsinneersut saqquminerunissaat pissarsiariuminernerunissaallu kissaatigaara. Nunatsinnut tunngassuteqartut tamaasa sunniuteqaqataaffiginiarsarissavagut - aamma suliasat assigiinngitsut nakkutigissavagut, ajortumik pisoqaqqunagu.

Namminiilivinnissarput kissaatigaara - massakkorpiaannngitsorli

Nunatsinnut tunngatillugu akisussaaffimmik aqutsinermillu inuiattut, nunatut naalagaaffittullu tigusissaagut. NAAGGA, oqanngilanga massakkorpiak namminiilivinnissaannngitsugut - isumaqarpunga akisussaassuseqarlutalu akisussaaffipput ilisimaarilluartariaqaripput.

Soorunami namminiilivinnissarput kissaatigaara, tamattami tamanna kissaatigunarparput? Siunissami aningaasaqarnikkut nammineerluta napatissinnaanissarput kissaatigaara - naalagaaffeqatigiinnerpulli ingerlatiinnarusullugu, tamannalu siunissami ataqqe-qatigiinnermik toqqammaveqassaaq. Nunarput qinigaaffimmi kingullermi naalagaaffeqatigiinnut annertuumik innarliivoq, namminiilivinnissaq pillugu sakkortuunik, nukangasunik piviusorsiuunngitsunillu oqariartuuteqartoqartarluni, qanorpiarluni tamattama anguneqarnissaanut ersarissumik pilersaaruteqartoqaranii. Suleqatigiinnermik pitsaasumik atasinnaassuseqartumillu pilersitserusuppunga, naalagaaffeqatigiinni tatigineqarluta naligiillutalu suleqatigineqarnissarput siunertaralugu. Demokraatit piviusorsiuortumik eqqarsartuuppit nunarsuarmioqatinillu, Danmark Savalimmiullu ilanngullugit, pitsaasumik suleqatigiinnissamik kissaateqarlutik.

Naalagaaffik nakkutigisassaavoq

Danmarkimit akisussaaffeqarfinnik tigusigaangatta Nunarput ilaguutiavallaartarsimavoq. Isumaga malillugu allaanngilaq pitsaassuttip misissornissaa puigorneqartarsimasooq. Akisussaaffeqarfiit pitsaassusaat tamatumalu kingunerisassai eqqarsaatiginagit tigueqartarsimapput. Tamanna innuttaasunut assigiinngittutigit ajorseriaatinik malitseqarsimavoq - taamaassanngilaq taamaattoqaqqissanani. Danmarkip akisussaaffeqarnini sianigisariaqarpaa. Danskil naalagaaffiata suasaqarfiit arlallit sulii akisussaaffigai, taakkulu ajorseriaateqannginnissaat aamma akisussaaffigalugu. Tamannalu Folketingimi nakkutigisinnaavarput. Tassani ministerit akisussaasuusut tamatuminnaga nakkutigisaqarnissaasa isumaginissaanut peqataassaanga - isumaqarama folketingimut ilaasortaasimasut tamanna pikkoriffigisimannikkaat. Danskil naalagaaffiata sussa-qarfiit naalagaaffiup akisussaaffigisaanik aningaasalersuullunilu ineriartortitsiuarnissaa ilungersuutiginiarpara - taamaaliornikkut akisussaaffeqarfiit piffissanngorpat tamatuminnngalu aalajangerutta tigusissaannut piareersimaniassammata.

Suleqatigiinneq nukittunerusoq naalagaaffeqatigiinnerullu paasisimasaqarfiginissaa

Nunatsinni Danmarkimi pissutsit ilisimasaqarfigisupilussuuagut, illuatungaani ilisimasaqarfigivallaanngilaatigit. Ilumorsinnaanngilaq aperineqartuassalluta qaannamik angalasarnersugut illunilu issuinnarni najugaqarnersugut. Uagullu nalunatigu Danmarkimi motorvejkkut bilertoqartartoq, avatangiisunik mianerinnittoqartoq inuillu illuni naatsiivittalinni inissarsuarnilu najugaqartut. Naalagaaffeqatigiissagaanni suna pisariaqarnersooq danskinit paasineqarnissaa sulissutigerusuppaa. Tamanna qaammarsaanikkut pissaaq - isumaqarama pissusiviusut pillugit qaammarsaanikkut danskil uatsinnik inooriaasitinnillu paasinninnerulersinnaasut, tamannalu uagut ataqpineqarluta naapineqartalernitsinnik imminek kinguneqassasoq. Tamannalumi Danmarkimi innuttaasut akornanni oqallinnermi pisariaqartinneqarlunnarpoq. Pissusiviusut pillugit qaammarsaanissaaq aamma Danmarkimi meeqqat atuarfiini inuusuttunullu ilinniartoqarfinni pisariaqartinneqarpoq - uagullu kalaallit inuusuttut assigiinngitsorpasuartigit taakkutuulli ittugut danskil inuusuttaasa paasilertussavaat.

Aningaasaliisarfittut aningaasaateqarfik pisariaqarpoq

Kalaallit Nunaannut aningaasaliisarfittut aningaasaateqarfimmik pilersitsoqarnissaa sulissutiginiarpara, danskil naalagaaffiata danskillu soraarnerussutisiaqalernissamut aningaasaateqarfiisa aallaqqaasiutitut aningaasaliiffigisaannik. Kalaallit Nunaanni nutaaliornerep, silap pissusianut tunngatillugu, nukissiuuteqarnerup, takornariartitsinerup, aalisarnerup, nunalerinerup aatsitassarsiornikkullu ineriartortitsinerup iluanni ineriartortitsinissaaq tamatumani siunertaassaaq.